

*Missa Rame 387-6*  
IO. ANTONII  
VIPERANI

DE SCRIBENDIS VIRORVM

ILLVSTRIVM VITIS.

S E R M O.



PERVSIÆ, Apud Valentem Panitium Mantuanum, Illustris.  
& Reverendis. FVLVII CORNEI S. R. E. Cardin.  
atque Illustr. X. virum, & Eccell. Collegij V. I.  
Impressorem. M D LXX,



10-4-11-10-11

10-4-11-10-11

DEPARTMENT OF THE INTERIOR

Geological Survey

WASHINGTON



RECEIVED


10-4-11-10-11

10-4-11-10-11

# DIDACO VARGAS

REGIS PHILIPPI

A SECRETIS.



*Io: Antonius Viperanus.*



N lente vnguentum  
satis est tritum com-  
muni sermone pro-  
uerbium, in eos dici  
solitum, qui magni-  
ficis verbis in re mi-  
nima vtuntur. Idem  
mihi obijceretur, si  
de scribendis virorum illustrium vitis sermo-  
nem ampla oratione tuo nomini dedicarem:  
quod & antiqua nobilitate clarum, & egregia  
A 2 digni-

dignitate celebre, & maximis virtutibus illu-  
stre est, mihi ob accepta beneficia singulari  
benevolentia toto vitæ meæ tempore colen-  
dum. Tamen humanitatem tuam oro, vt,  
qualecunque fit, paruum hoc munus æquo a-  
nimo accipias: in quo & meam in te obseruā-  
tiam, & tuum in literatos viros studium liben-  
ter agnoscas.

IO. ANTONII

VIPERANI

DE SCRIBENDIS VIRORVM

ILLVSTRIVM VITIS.



S E R M O.



ERCVRIVM illum  
eloquentia paren-  
tem nuntiumque  
Deorum Audito-  
res quadrato saxo  
insidere non abs re  
commenti sunt poë-

ta humanarum actionum Et vita magistri;  
quod stabilis Et firma sit bonarum artium  
possessio : quam nulla temporum iniquitas  
violare, nulla fortuna temeritas imminuere  
potest,

potest, sed suo ipsa sinu custodit, atque intue-  
tur aternitas. Verum inter cetera doctri-  
narum genera historicorum precipue stu-  
dium & poetarum mihi diuinum, & admi-  
rabile videtur: qui celesti quadam vi claro-  
rum hominum res gestas ab obliuione, & ue-  
tustatis iniuria vindicant, simulque in om-  
nium gentium memoriam disseminant; qua  
paruis alioquin cancellis angusta alicuius re-  
gionis, aut orbis modica cum laude circum-  
scripta iacerent. Idcirco eos Plato plurimi  
faciendos existimat; quoniam illorum vis in  
vtramque partem, & ad laudandum, & ad  
vituperandum maxima est. Nemo est au-  
tem mortalium, qui non aliqua laudis, &  
gloriae cupiditate capiat. Quamobrem  
hodierno die, quando pro academie nostra in-  
stituto differendi prouinciam ab optimo no-  
stro principe demandatam mihi recusare non  
licuit, mecum animo proposueram de histo-  
rico-

ricorum & poetarum laudibus dicere; sed  
 veritus ne rem vulgarem, & peruagatam  
 agerem, vidererq; (quod aiunt) soli lumen  
 afferre, mentem ad aliam disputationem  
 conuerti; quatum rei nouitate placeret, tum  
 doctrina ratione iuuaret. Quis enim ve-  
 strum ignorat, quod vniuersa res perpetuis  
 tenebris occultarentur, atq; eadem nox cum  
 malis bonos, & cum fortibus ignauos oppri-  
 meret, nisi excellentium virorum ingenium,  
 & literarum splendor accederet? Quod au-  
 tem dicere cogitavi est per breui sermone scri-  
 bendarum virorum Illustrum vitarum ra-  
 tionem quandam artemq; complecti: ut non  
 tantum quid scriptori praestandum, verum-  
 etiam quo sit ille studio legendus intelligatis.  
 qui quidem lectione non modo nihil incun-  
 dius, sed quoque principi viro nihil esse potest  
 utilius: cum certis vitæ exemplis ad virtu-  
 tem infor metur, et tanquam stimulis ad ma-  
 gna-

gnarum rerum imitationem, & gloriam accendatur. Non aliter Carolum V. Imp. Caesaris emulatio, Casarem Alexandri, Alexandrum Achillis ad res magnas, & praeclaras inflammavit. Nec res quidem explicatu facilis est. nam & acri iudicio, & multa ac varia doctrinarum cognitione eget. Est profecto sua cuiusque operis perfectio, & ijs solum nota pulchritudo, qui in ea se arte exercuerunt: ac quemadmodum in picturis, quid probandum sit, nisi pingendi periti non vident sic recta scribendi ratio, nisi a doctissimis, & prudentissimis viris percipi non potest. quin imperiti saepe laudant ea, quae reprehendenda sunt, ac contra, quae laudanda sunt, reprehendunt. Cum igitur vestra haec animi attentio benevolentiam mihi polliceatur, fidenter in eam, quam proposui, disputationem ingrediar. Vita non tantum natura munus, quo vescimur aura ( ut poeta loquitur ) aetheria, sed



sed viuendi quoque rationem significat; humanarum inquam actionum modum & formam; quam videlicet mores, hoc est, animi affectiones qualitatesue describunt. Hanc scriptor debet exprimere, ut afferat utilitatem historia. Sane quę hominis proprię sunt actiones, non cum alijs communes, ea humane vocantur. sunt autem, quę ab appetitu, & ratione proficiuntur. Siquidem intelligere peculiare magis est diuinorū spirituum, & brutorum animantium sentire: at homo, qui vtriusque naturę particeps est, duobus principijs ad agēdū mouetur, ratione, & appetitu. quę actiones cū volūtarię sint, & humani animi iuris, merito humane dicuntur. Itaque vita, ut apud grecos etiam *βίη* cum viuendi rationem notet, quam liber & nullius dominationi subiectus animus instituit, rectius hominum victū, sicut in Aristotelis secundo. Physicorum libro eruditi viri obser-

B

uauē-

De Hist.  
animal  
li. 8. c. 1.

li. 6. c. 3.

uauerunt, quam bestiarum significat: quæ  
quod agunt, non ex se agunt, sed naturæ ui,  
atque instinctu. quanquam in illis morum  
quædam vestigia tradit Aristoteles apparere.  
metus, ignauia, fortitudinis, ira, & quæ ab ho-  
mine dicta est humanitatis. Quamobrem qui  
alicuius uitam scribet, in hoc maxime elabo-  
rabit, ut eius mores exponat, qui sunt animi  
affectiones, quæ ipsius uitæ modum rationemque  
desiniunt. Sic grauiissimus auctor Plutarchus  
in Alexandri uitæ dumtaxat ea literis man-  
daturum se professus est, quæ ingenium illius  
& mores ostenderent. Quocirca mihi de  
moribus in primis dicendum videtur. La-  
tini uno moris nomine appellarunt, & con-  
suetudinem, quam greci ἦθος. & animi affe-  
ctionem, quam illi πάθος vocant. et si hoc nomi-  
ne Fabius Quintilianus sentit romanum ser-  
monem carere, quod eo non tam mores, quam  
morum quædam proprietates significantur.  
inter-

interdum etiam modi notionem, unde ducitur, mos habet, ut Paciq<sup>ue</sup> imponere morem. Acnei. 6  
 modus autem non solum mediocritatem, & terminum, ut Est modus in rebus, Horat. li. 1 Sat. 1:  
 uerum etiam formam statum, & conditionem indicat: ut illa sunt, huius modi, cuius modi, illius modi. Ex quo animi affectiones, & qualitates, quas greci ποίησις Magn. moral. li. 1. c. 1.  
 dicunt, rite mores latini nominarunt. quandoquidem nostrarum actionum modus ab animo petitur. Sunt ergo mores (ut Aristoteles inquit: nec potiore auctorem habeo, quem hac in re sequar) animi affectiones, & qualitates, siue ad rem aliquam propensiones. Non enim mores in intellectu ponimus, cuius uis in sola rerum cognitione uersatur, sed in appetitu, quo ad declinandum aliquid, aut persequendum ciemur.  
 Neque enim cum de alicuius moribus loquimur sagacem illum, aut sapientem, sed aut

B 2 mitem,

in Poe-  
tica.

mitem, aut temperantē dicimus: illaq; actio-  
nes solæ morales sunt, quæ sunt voluntaria;  
eademq; humana uocantur. Quare poëtas  
eos reprehendit Aristoteles, apud quos ficta-  
rum personarum orationes morata non sunt:  
nempe in quibus non exprimitur, quid quisq;  
uelit, aut fugiat. διὰ τὸ οὐ ἔχουσιν ἄλλοι ἐν τοῖς τῶν λόγων  
ἐν οἷς ἐκ τῶν δῆλων, ὅτι προαίρεται, ἢ φεύγει ὁ λαγών. Et mo-  
res quidem alij sunt naturales, & insiti, alij  
studio & usu comparati. Naturales pri-  
mum intelligi uolo, qui ex ipsa corporis tempe-  
ratione oriuntur. Equidem physicorum, &  
medicorum sententia ex quatuor humoribus  
sue qualitatibus constamus, sicut e quatuor  
principijs componimur sanguine, pituita, bili  
& melancholia: ac prout illarum quæque re-  
dundat, ita diuersi affectus generantur. Nam  
cui plus sanguinis inest, hunc animosorem ui-  
demus, & hilariorē; cui uero melanco-  
lia, timidiorē, & tristiorē: at in quo prin-  
ceps

ceps bilis existit, acrioris & iracundior fit; in quo vero pituita, obtusior redditur, & ita tardius commouetur. ob idque lenta ab Horatio nominatur. Hac morum proprietas, & dissimilitudo a natura est, nimirum a dissimili corporis temperatione, siue humorum, quibus corpus constituitur, uarietate. Quinetiam mores quosdam gignit generis, ac seminis stirps: utque fructus a seminis, sic a generis bonitate mores quidam commendantur.

Fortes (inquit Horatius) creantur fortibus; & bonis

Lib. 4.  
od. 4.

Est in iuuenis, est in equis patrum  
Virtus; nec imbellem feroces

Progenerant aquila columbam.

Catonum seueritas propria, in Gracis populare ingenium fuit. Præterea locorum natura (sicut Aristoteles ait) magnam facit morum differentiam. quippe homines montani, uti quoque bestia, ore sunt acriores, & la-

De Hi-  
sto. Ani-  
mal. lib.  
1. c. 29.

certis

In ora-  
tione cō-  
tra Rul-  
lum.

Aristot.  
Poli. 7.  
c. 7.

*certis nervisq; robustiores. Et Cicero Li-  
gures montanos duros, & agrestes dixit ef-  
se, Campanos fertilitate loci superbientes.  
Proinde bene temperatus aër querendus est,  
cuius lenitas aequè menti, ac corpori prodest.  
Atq; equidem mores barbaros præ se ferunt,  
qui in nimio, uel frigore, uel aestu degunt: &  
qui regionem aquilonalem incolunt ob ma-  
gnitudinem aduentitiij frigoris magis tepe-  
scentibus intimis corporis partibus candidi  
sunt, simplices & audaces; contra habitato-  
res Australis sub calente cœlo nigri, uasri, &  
timidi. Omitto Astrologorum descriptio-  
nes, atque iudicia, qui refrigerantis Saturni  
stellam in australi, incendientis uero Martis  
in aquilonali, at temperantis Iouis sidus in  
intermedijs regionibus dominari asserunt: e  
quibus Itali præsertim humani, liberales, a-  
mabiles, & ad regendas ciuitates apti exi-  
stunt. Hinc apud grecos in prouerbio fuit*

οἱ αὐτοὶ πρώτων, καὶ οὗτων σπέρματα οὐκ ἐκμοιῖνται τοῖς χάρμιν :

*Ad hac etatum, sexuumq; discrimina suos habent mores : fortuna quoque conditio, & studiorum, quasi naturales quasdam vitæ proprietates affert. quas omnes Aristoteles præ ceteris sapientissime, & copiosissime persecutus est. At studio & consuetudine creati mores habitus animi sunt, aut virtute laudabiles, aut vitio vituperabiles. quorum tractatio eorum philosophorum est, qui morales nuncupantur. Ac sane ingenitum & naturale nobis uidetur (sicut Fabius Quintilianus scribit) quod usu & consuetudine comparatur : tantaq; eius vis est, ut naturam superet, & si praua sit, a recto itinere abducatur. & quemadmodum in loquendo vincit artem, in rep. sancit, & delet leges, sic in animo, & naturam saepe expugnat, & proprietates aufert, & inserit. Atque ob id potissime suarum actionum homo in se positam habet potestatem ;*  
*quia*

Rhetor.

2.

li. i. c. 2.

quia potest aliter assuescere, quam a natura institutus est. Nec vero cum naturales mores dico a rationis imperio seiungo, sed quod a natura magnam vim habeant, naturales dicuntur: atq; eatenus laudantur, quatenus vel virtutis habent aliquam significationem, ut mansuetudo, & pudor, vel ratione confirmantur, atque reguntur. Recte igitur Ari-

in Poe-  
tica.

stoteles inquit *κατὰ τὴν ἀρετὴν τὰ ἡμῶν διατίθεται πάντα*:

Ergo mores (ut philosophorum verbis utar) & dispositiones animi sunt, & habitus, hoc est, permanentes qualitates, non quidem omnes, sed quibus appetitus bene, aut male ad rem quampiam conformatur. ex quo vita modus ratioq; desumitur. Ceterum mores, & oratione declarantur, & actione: siquidem oratio imago animi est, nec auari sermone alia de re, quam de pecunia sunt, & de voluptatibus intemperantis; atq; ut ex corporis motu temperationem eius dignoscimus, sic

Ar. sto.  
Ethi. 4.  
cap. 18.



sic ex his, quæ extra prodeunt, actionibus in-  
 teriores animi mores affectionesue coniici-  
 mus. Vnde Platonis illa sententia plurimum  
 a Cicerone laudata est, Qualis cuiusq; ani- Tuscul.  
5.  
 mi affectus esset, talem esse hominem; qualis  
 autem homo ipse esset, talem eius esse oratio-  
 nem; orationi autem facta similia. Quare si  
 affectus animi laudabilis est, & vita lauda-  
 bilis erit. Sed quoniam scriptori propositum  
 est non fictis benefactorum documentis vi-  
 uendi legem ostendere, non scribet quorum-  
 ius, sed illustrium virorum vitas. Sunt au-  
 tem illustres, quos aut virtutis, quæ nobilita-  
 tis parens & alumna est, aut dignitatis splen-  
 dor illustrat, quæ virtutis est socia et comes. In  
 hos enim, utpote ceterorum principes acrius  
 intuemur, & illorum facta libentius imita-  
 mur. Nam horum, qui nobis excellunt, mo-  
 res imitandos ducimus. Verumtamen ut ea  
 pictura vehementius mouet, quæ affectus ani-  
 mi verius effingit, sic ea historia magis appro-  
 batur

batur, quæ hominum mores melius exponit.  
Itaq; ut pictor in conformandis lineamentis  
oris, in quo motus animorum elucet, sum-  
mam operam consumit, sic bonus scriptor in  
exprimendis animi meritis, e quibus vita ra-  
tio perspicitur, omne studium suum & dili-  
gentiam ponet. Primum igitur accurate per-  
sonarum attributa considerabit, nationē, pa-  
triam, genus, parentes, corporis temperatio-  
nē, studia, fortunas, amicitias, & his similia.  
Etenim cuiusq; nationis sui quidam sunt mo-  
res, ut immanes Germani, feroces Britāni,  
hebetes Pannonēs, leuēs Galli, arrogantes Hi-  
spani, mēdaces Greci, perfidi Pāni, molles A-  
siani quorundam voce produntur. Patriæ ve-  
ro & situs est inspiciendus, & instituta. Nā  
cæli & loci naturam satis ad bonam corporis  
& animi temperationē conferre iā diximus;  
& a patria consuetudine argumentū capi cō-  
sistentis omnium ingenij nemo dubitat. Hoc  
nimis

mirum est illud, quod olim Sybaritæ volupta-  
tēs obijciebant, quoniā luxuries apud Sybari-  
tas nullo in vitio erat; contra Lacedæmoniū  
ut virū frugi commendabant, quoniā fruga-  
litas apud Lacedæmonios virtuti dabatur.  
Et ego virum perfectū eum esse cum Platone  
existimo, qui inter ciues intēperantes virtutē  
colat; quod non tantum natura sed consilio Et  
voluntate maxime studiosus sit. Atq; ut pa-  
trie, sic etiam familiaratio habēda est. Nam  
supra cōmonuimus esse quosdam generis cu-  
iusque proprios mores, infusasq; Et cōceptas  
qualitates; quibus eiusdem cognationis ho-  
mines inter se similes sunt. tum uera nobilitas  
recte agendi necessitatē quandam imponit;  
ut turpissimum sit a maiorum uirtute Et di-  
sciplina degenerare: tamen ut magnū dede-  
cus est parentum gloriam inquinare, sic (quod  
de se Cicero contra Salustium mirum in  
modum gloriatur) magna laus suo generi  
conferatur

Libro

C ij nobi-

nobilitatis initium asferre. Mox decet parē-  
tes respicere; qui & semine, & vita exemplo  
atq; instituto mores suos & naturam in filios  
infundunt, Verum qua ratione fiat, ut ex bo-  
nis parentibus raro boni filij procreentur, igno-  
ro. Et quidem Homerus.

Odiss. 2.

οἱ παῖδες γάρ τοι παῖδες ὅμοιοι πατρί πύλοισι :

οἱ πλεονες κακίους, παῖδες δὲ τε πατρὸς ἀρεῖους.

hoc est,

Namq; equidem pauci similes sunt patri-  
bus orti:

Quin plures vitij, quā qui virtute priores.  
Post hac corporis temperatio videnda, e qua  
proprietas quaedam animorum existunt, ve  
recundia & impudentia, audacia & metus,  
fortitudo & ignavia, comitas & seueritas, tū  
ingeniorum acumen aut hebetatio; celeritas  
aut tarditas, vbertas aut exilitas, grauitas  
aut leuitas: in quibus ad capeffendas bonas ar-  
tes atq; virtutes magna vis est. Fingit quoq;  
corporis temperatio pulchritudinem; quam  
nullum

249  
nullum animal prater hominem sentit; quãq;  
Socrates & Plato utpote mentis subiectam  
oculis dignitatem vehementer amarunt. Por-  
ro Virgilij sententia.

Gratior est pulchro venies in corpore virtus. Æncid. 5.

Amo autem pulchritudinem virilem, nõ mu-  
liebrẽ; quæ a Venere venustas aptius dice-  
tur. De qua dicit Homerus καλὸν

Iliad. 3.

ἔδος ὅτι ἀλλ' οὐκ ἔστι βίη φρόσιν, ἰδέσθαι δ' ἀλλή. hoc est.

Pulchra, tamen sine consilio, sine robore,  
forma.

Quin etiam corporis bona valetudo ad res  
arduas & eximias necessaria est: qua male  
affectus Scipionis Africani filius patri similis  
esse non potuit. Ad hæc præceptores obseruan-  
di, qui sunt alteri parentes, & studia, quibus  
ab ineunte ætate instructus fuerit.

Adeo (inquit Virgilius) in teneris consue-  
scere magnum est.

Gerg. 22

Insuper amicitia, quas parit morum similitu-  
do

do, affectionū animi testes sunt. non secus prin-  
cipes viri quales ipsi sunt, ex famulorum, qui-  
bus magis delectantur, ingenio cognoscuntur.

Lib. 7  
Postremo fortunas perperito, quarum copia  
propter uoluptatū affluentiam permultos a  
uirtutis uia detorsit, inopia uero etiā plerosq;  
a magnorū operum perfectione retardauit.

2. Lib. 1  
Vniuersa autem uita ratio, quā in aliqua no-  
minis celebritate ac uirtutis & dignitatis  
splēdore uersatur, mihi triplex uidetur. Aut  
enim in contēplatione rerū, aut in ciuitatum  
gubernatione, aut in bellicis studijs posita est.  
quā quisq; uitam ut uel delegerit, uel exegerit.  
spectandū est accuratissime. Prima quiesca est  
& quia cœlitū uita similimā uidetur, sapiēte  
dignissima iudicatur: altera prudentia & iu-  
stitia præsidijs innixa ad tuendā humani cœ-  
tus coniunctionē refertur: tertia, quā ad de-  
fendendum suorum incolumitatem & fortu-  
nas cōparatur, propter uarios & incipinatos

casus, ac uita multorum & maximorum discrimi-  
 num contemptione maiorem multitudini  
 parit admirationem. Rerum uero gestarum ra-  
 tionem præter locum & tempus tria in uniuersum  
 complectuntur, occasio, facultas, & euentus.  
 Nec dubium est, quin plerique, nisi occasio de-  
 fuisset, inter alios multis modis, & titulis ex-  
 celluissent. Quibusdam non occasio, sed aut  
 uires, aut consilia & modus defuerunt. nam  
 in facultate modus intelligitur: & in re diffi-  
 ciliori magis uirtus ipsa splendet. Sed fre-  
 quenter hominum spes & consilia fefellerunt  
 euentus: qui non in nostra potestate, sed in  
 Dei uoluntate collocati sunt. Vnde uir pru-  
 dens consilia non ponderat euentis ut vul-  
 gus, sed ipsa prudentiæ regula metitur.  
 Quare a se ipso sapientia sumenda, a Deo  
 fortuna petenda est: quæ nisi diuinitus ad-  
 res egregias tanquam comes addatur, pa-  
 rum uirtus per se ipsa ualere uidetur.

Est



an parti  
tionibus

*Est autem mihi fortuna cœlestis quedam au-  
ra in his rebus, quæ extra nos posita sunt, secū-  
da, vel aduersa; cuius nulla ratio a nobis red-  
di potest; non Dea, ut ille ait Poëta, cœlo a stul-  
tis hominibus locata. Sed & Ciceronis consi-  
lium hac in re sequi placet, ut seruata bonorū  
distributione animi, corporis, & fortune, illo-  
rum, quæ extra animum sunt, usus consideretur;  
uirtutes uero, quæ animi perfectiones sūt  
per se ipsa laudetur. Earū dua præstantissima  
sunt, quæ in conseruāda hominum cōmunionē  
uersantur, iustitia & bellica fortitudo: illa ius  
suum unicuiq; tribuendo humanam societate  
munifice tuetur; hæc depellendo quæ ab hosti-  
bus pericula impendent facit, ut ciues in pace  
otio & quiete fruantur. Vtriusq; moderatrix  
prudentia est omnium regina uirtutum. Hoc  
loco de uirtute forte quispiam differeret, sed in  
alienam segetem ( ut dici solet ) falcem im-  
mitteret: de una tamen uirtute pauca ipse di-  
xerim, quæ totius humane uitæ fundamentū*

&



Et norma est. Hac est religio, qua homines  
inter se conciliat, leges sancit, resp. conservat.  
que quoniam varia fuit, varia quoque vita  
instituta Et mores inter homines induxit. Sed  
certe nulla vera est, nisi ea, qua Christus Dei  
Et hominis filius enuntiavit. Ea gentium er-  
rores euulsit, ac veros sensus inseruit, Et tum  
mala correxit, tum bona in veri Dei cultum  
transferendo perfecit. Igitur peruerse agit,  
qui Christi religionem professus contra Chri-  
sti precepta Et fidem it: Et Carolus V. Imp.  
maiore laude dignus est, quod multa religio-  
nis causa attentare neglexerit, qua alioqui non  
solum recte, sed etiam gloriose fecisset. Tanta  
religionis vis est, sine qua nulla vita instituta  
probantur. Satis multam congesisse scripto-  
ri materiam Auditores censemus; sed quo il-  
la ordine digerenda sit, videndum modo est.  
Et quidam atatum gradus, ut Plutarchus,  
quidam generum distributionem persequun-

D tur

tur, ut Suëtonius, qui dicta & facta in quada-  
dam capita coniecit, unde mores eius, cuius  
vitam scribebat, melius cernerentur. Quam  
dispositionis duplicem formam Cicero quoq;  
in demonstratiuo genere teneri docuit. Porro  
si per ætatum gradus historiam deducimus,  
etiam spectare oportet, si quid ante vitæ or-  
tum contigerit; cuiusmodi sunt ea, quæ dor-  
mientium visis significantur; sicut B. Domi-  
nici matris viso, quo canem edere sibi videba-  
tur facem ore tenentem, quæ uniuersus ter-  
rarum orbis illustraretur, filij præstantia in  
diuina legis promulgatione præmonstrabatur.  
Et de Hecuba ferunt, quod dum Paridē ute-  
ro ferret, in quo regni excidij causa fuit, flam-  
mam nocte quadam parere somniauit, cuius  
ardore tota Asia conflagraret. Cum visis etiã  
uatum oracula tanquam vitæ certissima te-  
stimonia producuntur. quibus de aduentu Chri-  
sti pleni sunt rerum sacrarum libri. Tum si  
quid

quid in ipso ortu notatu dignū acciderit, mini  
me silentio pratermittendum: ut in natali die  
B. Ioannis Bapt. letitia, quæ adeo cognatos  
et vicinos affecit. Quin modum, quo Esau, et  
Iacob nati sunt, scriptura notauit. Dein infan-  
ti si quid admirandū euenerit non debet scri-  
ptoris animaduersionē effugere. Nam hares  
pro futura vita non uanis argumentis habentur.  
D. Ambrosio in cunis paruulo dormien-  
ti apes fauum in labellis finxerunt. magnum  
eloquentia signum. Similis fama celebratur  
de Platone, qui copia dicēdi et grauitate om-  
nes facile superauit. Moyses adhuc uagiens  
in fluuium proiectus, et diuina ope seruatus  
est. Ea res clarum praclaræ virtutis et  
gloria signum dedit. Idem fere de Romu-  
lo et Remulo scribunt historici, qui ur-  
bem Romam condiderunt illustrissimum  
orbis terrarum monimentum. Adhuc in  
ipsis pueris saepe quadam uirtutum semina,

D ij et

Et vitiorum igniculi apparent: e quibus quales futuri sint augurari quodammodo possumus. Hac de causa tot de puero Cyro Xenophon, tot de Alexandro rerum scriptores commemorarunt; qui magnitudine rerum gestarum omnium consensu magni nomen obtinuit. Ut autem homo rationis compos factus est, animaduertendum quomodo naturales affectiones aut bonas confirmauerit, aut malas rexerit, hoc est, quomodo seipsum vicerit; ac quibus artibus Et virtutibus vitam ipsam excoluerit, videndum. Ipse autem vite cursus ut confectus, ita narrandus est: dicendumque ordine quid, quo modo, quo tempore, quo loco, quo euentu actum sit: Et si quid illi prater naturæ leges rarum Et admirandum contigerit notandum. Non leuia persequemur, nec in minimis rebus immorabimur, sed ea dicemus, quæ aliquod vite documentum allatum putamus. Dòceanturque homines in  
omni

omni fortuna constantem animum tenere,  
 nec in secundis rebus se efferre, nec in aduer-  
 sis demittere: ac nullam esse ignominiam, qua  
 a turpitudine non proficiatur, nec laudem  
 ullam qua non ab honestatis fonte emanet.

Demum mortis genus, & siquid etiam post  
 mortem obuenerit, quod rem aliquam grauem  
 portenderit, debemus aduertere. cuiusmodi  
 multa in Christi morte, qua nobis salutem &  
 vitam attulit, diuinitus acciderunt. Par etiam  
 est dicta referri, qua affectiones animi decla-  
 rant. Non ne illa verba Alexandri, qua ad  
 Achilles tumulum in Sigæo dixit (sunt au- <sup>in ora-</sup>  
 tem apud Ciceronem) O fortunate adolescens, <sup>tione pro</sup>  
 qui tua virtutis praconem Homerum inue- <sup>Archia,</sup>  
 neris, desiderium ostendunt, quo ardebat pri-  
 dentem & grauem aliquem suarum rerum  
 scriptorem habere? & Caesar praeteriens ca-  
 stellum quoddam paruum in syluestribus lo-  
 cis situm, cum interrogatus an illic quoque

-cuiusd

D iij am-

ambitio esset, respondit malle se primum illic  
esse, quam Romæ secundum, quantam obse-  
cro regnandi cupiditatem indicauit? Nec  
argute & sententiosa dicta ( *ἀποφαιμένα* greci  
uocant ) negligi decet: quæ non paruum cum  
delectatione coniunctam habent utilitatem.  
Verum enimvero ad exornandam historiam  
descriptions rerum, et ab ipsa re, sed ad rem  
ipsam pertinentes digressiones plurimum va-  
lent: quibus & apte utendum est, & modi-  
ce, non solum delectandi lectoris, sed etiam  
illustrandæ rei gratia: ad quod pariter fa-  
ciunt cohortationes & conciones. Sed tamen  
ea digressiones mihi valde placent, in quibus  
de moribus & vita disputatur: quas Plutar-  
chus in suis vitis multas sapienter intexuit.  
Licet item scriptori quid in re dubia sentiat  
interdum significare: & si quod factum ex-  
cellentius narrat, arguta quadam sententia  
distinguere; & quid imitatione dignum sic  
breui-

breuiter admonere. Verum adsit ubiq; mo-  
 dus, quo decoro seruitur. cuius ignoratio nos  
 in multos & graves errores impellit. Pri-  
 mum autem omnium veritati cōsulat, sicut  
 iubet sacrosancta historia lex; ut ne rem ul-  
 lam falsam pro vera pronūtiēt, neu plus a quo  
 amplifiet, vel attenuet aut inuidus, aut adu-  
 lator. Non enim se pōetam, idest, rerum fi-  
 ctorem, neq; oratorem, idest, amplificatorem,  
 sed hystoricum, hoc est veritatis cultorem  
 profitetur. Aliena uero inferere hominis est  
 imprudentis & ignari, nec quid rei conue-  
 niat intelligentis. Quid enim ad vitam Ca-  
 roli V. Imperato. bella, qua Selim pater, aut  
 Solimānus filius contra Persas gessit; cum  
 res illius nihil attingant? Iam quia scripto-  
 ri non solum uidenndum est, quid & quo loco,  
 sed quibus etiam uerbis dicat, teneat dicen-  
 di genus medium, & temperatum, faciatq;  
 ora-

orationem breuem, lucidam, & ornatam:  
quam cum omnes intelligant, tum eruditi  
homines commendent. Nec ignoret (sunt  
enim historia partes duae, Principium, et nar-  
ratio) esse libera exordia, captariq; in illis  
praecipue docilitatem & attentionem: nar-  
rationem uero amare breuitatem, & perspi-  
cuitatem aliqua suauitate conditam. Sed  
quia de historia partibus & orationis genere  
satis multa dixi in eo libello, quem describen-  
da historia composui, longior hic esse praefer-  
tim in hac temporis angustia non curo: Vñ  
addam, quod ad studium lectoris pertinet, ui-  
delicet historiarum lectionem non tantum  
ad indicia ueteris memoria cognoscenda;  
quārem Cicero dicit esse curiosorum; sed ad  
imitandos summos uiros spectare; quod in-  
geniosorum, et prudentum hominū est. Hac est  
Auditores scribēdi uirorū illustrū uitas qua  
se

De Fini.  
5.



*se nobis obiecit figura, a Platone dicta Idea: quam satis scimus non ita, ut animo se obtulerat, expresisse, sed qua potuimus, facultate adumbravimus. Optemus ut quemadmodum etas nostra omni genere uirtutis & doctrina præstantes uiros producit, sic etiã bonos & elegantes scriptores ferat, qui clarorum hominum uitas aternitatis memoria commendent.*

**F I N I S.**

THE  
JOURNAL  
OF  
THE  
PROCEEDINGS  
OF  
THE  
GENERAL  
COURT  
OF  
THE  
STATE  
OF  
NEW  
YORK  
Held at  
Albany  
on the  
1st day  
of  
January  
1819

1819

Miscellaneous 3.47-7

253



I



II



III



IV



V

